

մարձակ, չափով են անում, կողրպտում և տանում են ամեն ինչ. ո՞վ կարա խօսայ: Օրերով պահում ենք ըտոնց, մեր ամենալազ գառները մորթում, մեր ամենաընտիր օղչարները, հաւերը նրանց ենք տալիս, որ բայքի (գոնէ) մեր էրէխանց, մեզ ձեռք չտան: Ըտէնց ենք ապրում եղբայր, էգւանից մինչև իրիկուն բանի ենք կենում, չարչարում, բայց էլի մենք մեր զատի տէրը չենք, էլի մեզ օնչինչ չեն թողնում, անխնայ կողրպտում են, էգ է մեր ապրելը, բայց էգ էլ ապրել չէ, այլ տանջանք է եղբայր, տանջանք . . .

Այս տխուր պատկերի վրայ աւելացնենք սիրելիս և՛ այն, որ այս տարւայ երաշտի պատճառով ցանքսերը, խոտահարքերը կիսով չափ այրւել, փչացել են: Գիւղացիները ոչ ուտելու պաշար ունեն, ոչ էլ սերմացու, նրանք կանգնած են սովի ճանկերում, որին այս տարի (1918) զոհ են գնացել 100 հոգի:

Այսպէս, ներկայումս Բոլորանի հայ գիւղացիութիւնը անտեսապէս քայքայւած դրութեան մէջ է գտնւում:

№	Կ Ա Ր Գ Ե Ր	Շունչ
1	Աղբատ	450
2	Չունկոր	100
3	Միջակ	120
4	Ունկոր	80
5	Հարուստ	70
	Ընդամենը	820

Հ Ա Չ Ա Ր Ջ Ր Ի Բ

Բոլորանից դէպի հարու-արեւմուտք, կէս Փարսախ հեռաւորութեամբ, մի բլրի վրայ փռւած է Հազարջրիբը, որ ունի բարձր և գեղեցիկ դիրք. գիւղի առաջ փռւած են արտերը, իսկ հարաւային տարածութիւնը զարդարւած է ուռենիների և բարդիների տնկարաններով, որոնք գիւղին տալիս են բանաստեղծական տեսք: Բայց գիւղի զարգը կազմում է մի առու. դա բղխում է նոյն ակից, ինչ որ Բոլորանին ևս բղխում է և անցնում նախ Հազարջրիբ, յետոյ թեքւելով դէպի արև-